

ԵՐԱՆԵԼԻՈՅՆ ՆԵՔՏԱՌԵԱ ԵՊԻՍԿՈՊՈՍԻ

**ԲԱՆՍ ՆԵՐԱՌՈՂԱԿԱՆՍ Ի ՄԵԾԱՊԱՏԻՒ ՍԱՐԿԱԲԳՆ ԵՒ
ԱՌԱՋԻՆ ՎԿԱՅՆ ՔՐԻՍՏՈՍԻ ՍՈՒՐԲՆ ՍՏԵՓԱՆՆՈՍ, ԸՆԴ ՈՐՈՒ
ԵՒ ԱՌԱԾ ԻՆՉ ՄԱՍՆԱԲՈՐ Ի ՊԱՏՄՈՒԹԵՆԷ ԱՌԱՋԻՆ ԳԻՏԻ
ՆՇԽԱՐԱՅ ՆՈՐԻՆ, ՈՐ ԵՂԵՒ Ի ՁԵՌՆ ՂՈՒԿԻԱՆՈՍԻ ԵՐԻՑՈՒ
Ի ԺԱՄԱՆԱԿՍ ՅՈՎՀԱՆՆՈՒ ԵՊԻՍԿՈՊՈՍԻ ԵՐՈՒՄԱՂԷՄԱՅԻՈՅ,
ԵՒ ԹԷ ՈՐՊԷՍ ՅԵՏ ՍՈՒՂ ԻՆՉ ԱՄԱՅ ԱԾԵԱԼ ԵՂԵՒ ՊԱՏՈՒԱԿԱՆ
ՆՇԽԱՐՔ ՆՈՐԱ Ի ՆՈՐՆ ՎՈՌՎՄ, Ի ՎՈՉԱԿԱԲՈՐ
ԹԱԳԱԲՈՐԱԿԱՆ ՔԱՂԱՔՆ Ի ԿՈՍՏԱՆԴՆՈՒՊՈԼԻՍ**

Տէր մեր Յիսուս Քրիստոս ի ձեռն փրկագործ մարմնով գալստեան իւրոյ գործ մի բարւոյք եղ առաջի ամենեցում, որք հաւատացիմ ի Նա: Զի ոչ յաղագս ինքեան եկն եւ խաչեցաւ անպարտական մահու այն, որ «ոչ արար մեղս եւ ոչ գտաւ մեղքութիւն ի բերան Նորա»⁶, այլ վասն ամենայն աշխարհի: Վասն զի պատարագեալ եղեւ ի վերայ խաչին Գառն անաբատ առ ի մշտնջենատր բառնալ զմեղս աշխարհի եւ յարիմակ բարի սիրելեաց իւրոց, որք կամաք իրեանց հետեւին զհետ շաւղոյ Նորա: Վասն զի Նա եղեւ մախաշաւիղ եւ սկիզբն ամենայն սրբոց իւրոց, որ իբրեւ կատարեաց զամենայն մերմարդութեանն տնտեսութեամբ յարուցեալ իշխանութեամբ ել մտաւ ընդ աջմէ Ծնաւորին իւրոյ քաջալերս տուեալ իրայոցն «Քաջալերեցարուք Եւ յաղթեցի մահու»⁷:

Եւ ոչ մինչեւ ցայսսօկի դադարեցոյց զբարեգործութիւնն, այլ եւ զաթոռակիցն իւր եւ զհաւատարմակից Ծնաւորին իւրոյ ի կերպարանս հրոյ առաքեաց ի վերայ ընտրելոցն իւրոց, որք սպասեալ ակն ունէին Նմա ի սուրբ Վերնատանն, որոյ եկեալ հանգեաւ ի լեզուս անցաւ, լցոյց զմոսս աստուածային իմաստութեամբն իւրով, եւ յիշեցուցեալ անցա զյառաջագոյն ասացեալսն ի Փրկչէն, առաքեաց զմոյն անտարանել ընդ ամենայն տիեզերս: Իսկ անցա սկիզբն արարեալ յերուսաղէմէ, լցին զընդհանուրս Հոգւով իմաստութեան ձեռնադրութեամբն իրեանց ի ձեռն աւագանին լուսոյ վերստին ծննդեանն:

Արդ, ի սոցումց յայցսմէ ընտրելոցս մի էր երիցս երանեալ անուանակիրն Ստեփանոս՝ Պսակ հայկականին թարգմանեալ, առաքելականին այնորիկ եկեղեցւոյ: Որով եւ սա լցեալ մոյն ճշմարիտ շնորհաւ Հոգւոյն Սրբոյ ընտրեցաւ ձեռնադրութեամբ զյխատրացն ի վերակացութիւն որբոցն եւ այրեացն: Այլ եւ ի վերայ այսոցիկ առնէր արուեստս եւ մշանս մեծամեծս ի ժողովրդեանն՝ մահատակեալ Հոգւովն Սրբով ընդդէմ ուրացողացն զճշմարտութիւնն, որ եւ ընտրելոցն երկոտասանիցն ոչ վերջացեալ սպասատրակից անցա լինելով մարմնացեալ Բանին, եւ ի պարս մարգարէիցն վեհագոյն գտեալ՝ ոչ մախնագուշակ

⁶ Եւայի ԵԳ 9, Ա Պետ. Բ 22:

⁷ Յովհ. ԺԶ 33:

նոս, որոյ եւ յիշատակս իսկ կատարի: Վասն զի սա մախ պսակեցաւ քարամբք կոշկոճեալ յետ առաջին պսակեցելոյն չարչարանաւք խաչին: Եւ ամենեքեան, որք յետ սորա եղեն, ի պորայս հայելով հանդէս, քաջալերէին: Իսկ սա ի յին եւ եթ մշամակն, որ ի վերայ խաչին:

Զի թէպէտ եւ վկայեցին լառաջագոյն մարգարէքն, այլ խորհրդով խաչին քան թէ ակններեւ տեսեամբ զնոյն ինքն զՏէրն մարմնով ի խաչին:

Եւ արդ, զի՞նչ եւս ի մէջ բանս հեռացելոց յիմաստից եւ ի ժամանակէ մահատակութեանն մորա: Եկեցէ ի մէջ երանելին Ղուկաս ականջալուր եւ ականատեսն եւ ստուգապէս խորհամացուցանողն անտարանական եւ առաքելական մատենիցն: Վասն զի մա սկիզբն խորարեալ ի յարութենէն Քրիստոսի, պատմէ մինչեւ ցվերանալն մորա եւ մինչեւ ցՍրբոյ Հոգւոյն իջումն: Եւ անտի եւս յառաջ մատուցեալ մինչեւ ցբազմութիւն հաւատացելոցն, յորում եւ ընտրեցաւ իսկ երանելին Ստեփանոս, այր լի հաւատովք եւ Հոգւով Սրբով ի վերակացութիւն որբոցն եւ այրեացն հանդերձ այլ եւս ընկերաւքն, եւ յետ այնորիկ պատմէ իսկ զհանդէս մորին պսակեցելոյ:

Ստեփանոս, ասէ, այր լի շնորհաւք եւ զարութեամբ, առնէր մշամս եւ արուեստս մեծամեծս ի ժողովրդեանն¹¹:

«Լի էր, ասէ, շնորհաւք», այսինքն՝ ոչ մասն ինչ շնորհաց ընկալեալ, այլ զնոյն ինքն զզարութիւն Հոգւոյն Սրբոյ զգեցեալ: Ըստ որում եւ ասաց իսկ Տէրն. «Նստարութ ի քաղաքիդ Երուսաղէմ մինչեւ զգեմուցութ զարութիւն ի բարձանց»¹²: Եւ ընդէ՞ր արդեաւք Հոգւով միայն. այլ վասն զի ուր Հոգին Սուրբ է, անդ Հայր եւ Որդի համգուցեալ են: «Եթէ ոք սիրէ Զիս, ասէ, զպատուիրանս իմ պահեսցէ: Եւ Հայր իմ սիրեսցէ զնա. եւ առ Նա եկեսցուք եւ արեւանս առ Նմա արասցուք»¹³:

Սիրեաց, արդարեւ Ստեփանոս զՏէրն, եւ զպատուիրանս Նորա պահեաց, այլ եւ մեռաւ իսկ ի վերայ պատուիրանաց Նորա: Եւ ոչ այս միայն, այլ եւ զՍրբոյ Երրորդութեանն զմիաբուն զարութիւնն, որ ըստ մախախմամողական տեսչութեանն մերգործէ յաշխարհս, յինքն բովանդակեալ ցուցանէր երանելին Ստեփանոս: Զի որպէս զՀայրէ ասէ, թէ «զարեգակն իւր ծագէ ի վերայ բարեաց եւ չարեաց»¹⁴, եւ «ածէ անձրեւ ի վերայ արդարոց եւ մեղատրաց»: Եւ զՈրդւոյ, թէ՛ «Ոչ եկի պաշտանս առնուլ, այլ պաշտել»¹⁵: Այսպէս եւ Հոգին Սուրբ ի ձեռն Ստեփանոսի սպասատրէր բազմութեան հաւատացելոցն. «Առնէր, ասէ, մշամս եւ արուեստս»: Եւ զո՞ր արդեւք «Նշանս եւ արուեստս» եթէ ոչ զնոյն արիմակ, զոր յԱւետարանսն պատմի, զոր ետ Քրիստոս իշխանութիւն իւրոց հաւատացելոց, ասէ. «Զգործսն, զոր եւ գործեմ, եւ Նա գործէ»¹⁶: Եւ եթէ ոչ գրեցաւ ի Պսակս սրբոց առաքելոցն, քայց եթէ մասնաւոր, յայտ է, եթէ եւ ոչ Նորուն իսկ Տեառն գրեցաւ բովանդակն:

Եւ զի՞նչ ապա լինէր մնա, որ այսպիսին էր: Զգեալ լինէր, ասէ, յատեան քահանայապետիցն ի ժողովելոց անդր հրէիցն, որք ըստ լիբեացոց եւ կիրենացոց, եւ աղէքսանդ-

¹¹ Գործք Զ 8:

¹² Ղուկ. ԻԴ 49:

¹³ Թովթ. ԺԴ 23:

¹⁴ Մատթ. Ե 45:

¹⁵ Մատթ. Ի 28:

¹⁶ Թովթ. ԺԴ 12:

Իսկ նա, լի էր, ասէ, Հոգով Սրբով, հայեցեալ յերկինս ետես զփառսն Աստուծոյ զՅիսուս, զի կայր ընդ աջմէ Աստուծոյ²⁰:

Ո՛վ սքանչելեացս, լի գոլով Հոգով Սրբով եւ զՀայր եւս տեսանէր հանդերձ Որդով՝ մատեալ ընդ աջմէ Նորա յԱթոռ փառաց: Եւ զի՞նչ այսու տեսութեամբ հաստատէ մեզ երանելի վկայն Ստեփանոս, եթէ ոչ, զի ի բոլոր Երրորդութեանն փառսն վայելելոց են, որք վասն Քրիստոսի չարչարին: Եցոյց եւ գոյն գայս եւ զՏէր մեր Յիսուս Քրիստոս. «Որպէս Դու Հայր յիս ես՝ ի Քեզ, այսպէս եւ մոքս Իմ եղիցին»²¹: Ետես զփառսն Աստուծոյ զՅիսուս, վասն զի Յիսուս իրայոցն երեւի: Եւ թուի ինձ, թէ վասն այսորիկ յետ յարութեանն առաքելոցն երեւէր յաւորս քառասունս մինչեւ ցվերանալն առ Հայր, եւ ոչ հրէիցն որպէս եւ մախ քան զԽաչն: Զի՞նչ ապա մմանատիպն Տեառն իւրոյ, որ փոփոխեալն էր ի հրեշտակակերպ տեսիլ: Ոչ զամխաւացուցանէր զայնպիսի հրաշալի տեսիլ իբրեւ զմախացողովք այլոց փրկութեանց: Այլ ձայներ ի լուր ամենայն ռամկին, զի թերեւս սթափեսցին յիմարեալքն ի սէր այնպիսի փառաց տեսլեան:

Ահա տեսանեմ զերկինս բացեալ, ասէ, եւ զՈրդի մարդոյ, զի կայ ընդ աջմէ Աստուծոյ²²:

Զոր դուք սոսկ մարդ կարծելով, սպանեք, ասէ. «Ես կենդանի տեսանեմ, ոչ եւս յերկրի, այլ՝ յերկինս, ոչ ի Խաչի բեռեռեալ, այլ՝ ընդ աջմէ Աստուծոյ»: Ո՛վ հաւատարիմ վկայ, որ հաստատեաց զՏեառն իւրոյ կամխասացութիւնն. «Տեսանիցէք, ասէ զՈրդի մարդոյ մըստեալ ընդ աջմէ զարութեանն»²³:

Ո՛վ մախաշափող կարապետին ամենայն մարտիրոսացն զնդից, որ իբրեւ մատամբ իւրք եցոյց զհանդիսադիրն խոնարհեալ ի տեսիլ վկայիցն հանդէս: *Տեսանեմ զբացեալ զերկինս*. զփակեալ հեշտութեամբ ճաշակմամբ պտղոյն՝ բացեալ վկայական արեամբ: Եւս բացեալ երկնից, զի յայտ լիցի, եթէ ոչ միայն զՏէրն փառաւ եւ արհմութեամբ ընկալցին վերինքն ի հրամայելն համբառնալ դրանց երկնից²⁴, այլ եւ զծառայսն Նորա, որք կերպարանակից լինին մահու Տեառն իւրեանց:

Արդ, նա այսպիսի: Իսկ ուրացեալ տիրասպանիցն որպիսի՞ ինչ: Խցին, ասէ զակամջս իւրեանց իբրեւ զամի քարբի, զի մի՛ լսիցեն զբանն կենաց, վասն զի եւ ոչ իսկ էր արծան ապականելոց լսելեաց լսել զերկնային բարբառն, եւ խստացելոց մտացն ընդունել զաստուածային խորհուրդն:

Եւ հանեալ, ասէ, արտաքոյ քաղաքին, քարկոծէին²⁵.

Որպէս եւ զՏէրն արտաքոյ այգոյն, այսպէս եւ զծառայսն Նորա արտաքոյ քաղաքին: Ո՛վ խորհրդոյ զարութիւն, որ մինչեւ յելս սրբոցն ի մոսին կատարի խորհուրդ տէրունական մմանութեանն: Արտաքոյ քաղաքին խաչեցին զՏէրն հրեայքն արինազանցք, արտաքոյ քաղաքին քարկոծեցին եւ զծառայսն Նորին մոյն հրեայք տիրասպանք: Արդ, պա-

²⁰ Գործք է 55:

²¹ Թովմ. Ժէ 21:

²² Գործք է 55:

²³ Մատթ. ԻԶ 64:

²⁴ Սաղմ. ԻԳ 7:

²⁵ Գործք է 57:

տառեցան տիկքն հնացեալ՝ ոչ կարելով ընդունել զնորն եւ զանապակ վարդապետութիւնն Տեառն: Յասելն, եթէ «Տեսանիցեք զՈրդի մարդոյն աստեալ ընդ աջմէ զարութեանն եւ եկեալ ընդ ամպս երկնից»: Եւ աստ խցան ակամօք ակականեալք՝ ոչ կարելով լսել զվկայութիւն հաւատարիմ ծառային, որ ասէր. «Ահա տեսանեմ զերկինս բացեալ եւ զՈրդի մարդոյն զի կայ ընդ աջմէ Աստուծոյ»:

Արդ, աղաղակեաց, ասէ Յիսուս ի ձայն մեծ եւ արձակեաց զհոգին ասելով. «Հայր ի ձեռս Բո յանձն առնեմ զՀոգի իմ»²⁶: Զամենայն զմարդկութեանս զհոգիս՝ զյափշտակեալսն ի սատանայէ ի ձեռն երկնաւոր Հայրն աւանդելով: Եւ աստ մմանող եղեալն Տեառն իրոյ կարդայր եւ ասէր. Տէր Յիսուս ընկալ զհոգի իմ²⁷: հաստատելով զգրեալսն, եթէ «Հոգիք արդարոց ի ձեռին Աստուծոյ են»²⁸: Արդ, Տէրն ի խաչին գոլով ասէր «Հայր թող սոցա, զի ոչ գիտեմ՝ զինչ գործեն», եւ աստ երանելի Ստեփանոս քարկոծ լինելով, ծունր եղեալ, բարձրաձայն աղաղակէր. «Տէր մի՛ համարիր սոցա զայս մեղս», բայց ոչ իբրեւ զՏէր, այլ իբրեւ զհաւատարիմ վկայ եւ զհետեւող Տեառն իրոյ: Վասն զի նա որպէս Որդի առ Հայր ասէր. «Հայր, թող սոցա, զի ոչ գիտեմ՝ զինչ գործեն», իսկ սա որպէս ծառայ առ Տէր. «Տէր մի համարիր սոցա զայս մեղս»:

Եւ որպէս անդ յետ աւանդելոյ Տեառն զմարդկեղէն հոգին միացելոյ ի մմա Աստուծոյ՝ թեանն վէմք պատառեցան եւ վարագոյր տաճարին ցելեալ խայտառակել զհրէիցն յանդըգնութիւնն, եւ չարչարակցելով արարածոցս Արարչին, այլ եւ փոխարկելով զհինն ի նորս: Այսպէս եւ ի չարչարանս մեծի վկայիս երկինք ցելեալ լինէին ի պատիւ տեսողին աստուածային փառացն եւ ի նախատինս կուրացելոց ազգին: Եւ որպէս անդ հարիւրաստուածային խոստովանէր զՆա, այսպէս եւ աստ պէտն յետ խոցելոյ զկողն արդարեւ Որդի Աստուծոյ խոստովանէր զՆա, այսպէս եւ աստ յետ քարկոծման երանելոյ վկայիս կամակիցն սպանմանն, որ պահէր զհանդերձս սպանողացն Սաղոս յանկարծակի հափշտակեալ ի սատանայէ, քարոզ անուանն Քրիստոսի լինէր աղաթիւք սրբոյն, եւ լինէր Պաղոս փոխանակ Սաղոսի, որ եւ ետես իսկ զնոյն տեսիլ եւ լուսա զես անճառելի բանսն, այլ եւ ընդ ամենայն տիեզերս ընթացեալ, սկսեալ յիւրուսադէմէ մինչեւ ի Լիւիիկիայ շրջապատեալ ելից զանեսարանն Աստուծոյ ընդ ամենայն աշխարհս, եւ ի վերայ այսր ամենայնի վկայական արեամբ գլխատեալ մեռալ վասն անուանն Յիսուսի Քրիստոսի:

Արդ, այս է հանդէս նախաշաւիղ վկային յետ առաջնոյ խաչեցելոյ վկային Յիսուսի Քրիստոսի Տեառն մերոյ, զոր փոքր ի շատէ ասացաւ ի մէնջ ի պատճառս իմաստոնց լսողաց:

Բայց ան, առեալ մեր զբանս ի պատմութիւն անդր նորա ձգեսցուք, որ յաղագս գիտի մշխարաց երանելոյն եւ մոծանելոյ նախ յերուսաղէմ, եւ ապա ի թագաւորեալն Կոստանդինուպոլիս:

Արդ, ըստ մատենագրութեանն Ղուկայ կարծելով հրէիցն ի ձեռն քարանցն ի բաց բառնալ զկեանս Ստեփանոսի որպէս յայնժամ որդիքն Յակովբայ՝ գեղբայրն իրեանց²⁹ ոչ

²⁶ Ղուկ. ԻԳ 46:

²⁷ Գործք Է 58:

²⁸ Իմաստ. Գ 1:

²⁹ Տե՛ս Ծանոթ. ԼԷ:

գիտելով յանապական կեանս զնա փոխարկեցին, քանզի նա իբրեւ զթագ ականակապ ընդելուգեալս յոսկոյ սրբոյ զբարինսն ընդունելով, եւ իբրեւ զծիրանիս պատուական զբոխումն արեան թագաւորեալ լինէր ի վերինն Երուսաղէմ, որպէս եւ Յովսէփն այն՝ ի լեզիպտոս, որ եւ յետ սուղ ինչ ժամանակի ի թիկունս հասանէր սովելոյ ազգին, որպէս եւ նա՝ եղբարց իւրոց: Քանզի բարձին, ասէ, զնա արք երկիւղածք եւ ըստ արինացն կատարելով ի վերայ մորս: Եւ ո՞վ արդէք իցեն արքն, թէ ոչ արեւմտսոյցն Գամաղիէլ, որ ի Գործս առաքելոցն զբարութ խրատն տալով հրէիցն պատմի, եւ Նիկողէմոս, որ ի ջրոյ եւ ի Հոգոյ ընդունել զարքայութիւնն ի Քրիստոսէ յԱւետարանի անդ վարդապետի:

Քանզի որպէս ասի բանն առաջի անկեալ մոցա խնդրեցին ի սրբոց առաքելոցն զմարմին երանելոյն: Եւ առեալ հրաման, եկեալ գիշերի, տարեալ թաղեցին յազարակին իրեանց, որ կոչի Կապար Գամաղէա՝ հետի գլով լեռնաւորէմէ քսան վտաւանաւ: Որ եւ ինքն իսկ երանելիս այս Գամաղիէլ հանդերձ եղբորորդովն իրով Նիկողէմոսի եւ որդովն իւրով Աբիբասեալ մկրտեալք ի գլխաւորէն Պետրոսէ եւ յետ սուղ ինչ ժամանակի կատարեալք ի Քրիստոս եւ եղան ընդ սրբոյն Ստեփանոսի:

Իսկ ապա անցին ժամանակքն այն դառնութեան, եւ բարեպաշտութիւն տարածեցաւ ընդ ամենայն ազգս: Յայնժամ եւ երանելին այն յայտնէր զինքն զանձ անապական աշխարհի: Եւ եթէ որպէ՞ս յայտնի է ի յիշատակարանէ անտի ուսումնասիրաց եւ աշխատասիրաց անձանց, զոր մեր փոքր ի շատէ առեալ ինչ անտի պատմեցոյք: Այր ոմն ծաղկեալ իմաստութեամբ եւ կատարեալ ամենայն առաքիճութեամբ պաշտէր քահանայական սպասաւորութեամբ զազարակն զայն, յորում ծածկեալ կայր զանձն աստուածային բազմագին մարգարիտն երանելին Ստեփանոս: Եւ զի՞նչ ապա լինէր. երեւէր մմա տեսիլ հրեշտակական չքնաղ եւ զարմանալի ի կերպարանս սքանչելոյ առնն Աստուծոյ Գամաղիէլի երիցս անգամ, որոյ զգեստն իւր լոյս փայլատակէր ի չորեսին տտունսն Ակարեալ գիր ոսկի վերագրեալ ի մմա մշանն տէրունական խաչին, այլ եւ հողաթափս ոսկէփոկս պնդեալ յոսուն: Եւ ասէր, եթէ հան զմեզ աստի առ ի յազմականութիւն վտանգելոց ժամանակի մարդկանս: Եւ յիրաւի սպիտակագգեստ երեւէր տեսիլն հանդերձ ոսկէգիր մշանական եւ վերագրեալ խաչին, վասն զի զլոյսն զգենլոց եմ սուրբքն յետ աստեացս անդր երթալոյն՝ ունելով զպատճառսն յոսկէտեսակ անապական առաքիճութեանցն եւ խաչակցութեանցն ընդ Քրիստոսի: Նա եւ մոյն ինքն իսկ առաքիճութիւնն պայծառ եւ անապական զգեստ է եւ արծանի երկնաւոր թագաւորութեանն պատուոյ, թէպէտ եւ այժմ ծածկեալ է ի զգալի տեսանելեացս: Ջսոյն եւ երանելի առաքեալն ցուցանէ. «Քանզի մեռարոք, ասէ, եւ կեանքն ձեր ծածկեալ եմ ընդ Քրիստոսի յԱստուած: Իսկ յորժամ Քրիստոս յայտնեցի՝ կեանքն ձեր, յայնժամ եւ դուք ընդ մմա յայտնեցիք փառաք»³⁰:

Իսկ գաւազանն ոսկի, զի ունէր յաջոյ ձեռինն, զմշտնջենաւոր թագաւորելն ընդ Քրիստոսի մշանակէ եւ զաջակողման դասուն՝ զահակալութիւն սրբոցն: «Եթէ համբերեմք, ասէ, ընդ մմին եւ թագաւորեցոյք»³¹, ասէ աստուածայինն առաքեալ: Իսկ զի ետես յերկրորդ տեւեանն չորս կողովս. երեքն ոսկի եւ միւսն արծաթի, եւ երկուքն լցեալ էին վարդով սպիտակ եւ միւսն՝ կարմիր, եւ արծաթին պատարուն էր անուշահոտ քրքմով: Եւ այսու ոչ է, թէ

³⁰ Կողոս. Գ 3:

³¹ Բ ՏԻԲ. Բ 12:

գծանաթությունն տապանացն անցա եւ եթ յայտ ունէր տեսիլն: Այլ եւ զանազանեալ զփառս անցա նշանակէր ըստ իրաքանչիւր վաստակոց, ըստ այնմ թէ «ի տան Հար իմոյ յաթեանք բազում եմ»³²: Վասն զի եւ երանելոյն Ստեփանոսի լի գոյով կարմիր վարդով, վասն զի նա նախ եհեղ զարիւնն իւր փոխանակ այնորիկ, որ վասն ամենեցուն ի վերայ խաչին եհեղ զարիւնն իւր սուրբ:

Իսկ երկու եւս այլքն, որ ունէին յինքեանս զվարդն սպիտակ, որք էին Նիկողեմոս եւ Գամաղիէլ, որ նշանակէ, որ թէպէտ եւ ոչ արեամբ կատարեալք, սակայն յաւատութեամբ եւ անուամբ զնոյն անուշահոտութիւն առաքինութեան յինքեանս ժողովեցին, որպէս եւ զերանելին զՍտեփանոս: Իսկ չորրորդն արծաթի գոյով՝ ունելով յինքեան անուշահոտ քըրրանելին զՍտեփանոս: Իսկ չորրորդն արծաթի գոյով՝ ունելով յինքեան անուշահոտ քըրրանելին զՍտեփանոսի արեամբ չափ անատակեալ ընդդէմ բնութեանս: Իսկ յերրորդ տեսլեանն, զՍտեփանոսի արեամբ չափ անատակեալ ընդդէմ բնութեանս: Իսկ յերրորդ տեսլեանն, որ ասէ, թէ յափշտակեալ լինէր երանելին Ղուկիանոս ի քաղաքն Երուսաղէմ, եւ պատմէր եպիսկոպոսին զտեսիլն եւ լսէր ի նմանէ զլինելոցն: Վասն զի այսպէս սուրբ եւ անպարտ առաքինութիւնն ի մարմնի գոյով անմարմինս գործէ զընդունողսն, եւ ճառագայթեալ գոգիսն տեսաւս առնէ հանդերձեղոցն: Այսպէս երանելին Պաւլոս յափշտակեալ յերրորդ յերկինս զանճառ բանսն լուսաւ: Այսպէս մարգարէքն ամենայն լուսատրեալք հոգւով պատմեցին զհանդերձեալսն իբրեւ զտեսեալս, զոր պարտ է մեզ համառատել զբանս ի պատմութիւն անդր առաքելով զլսողոյ:

Արդ, իբրեւ յայտնեցաւ զանճն աստուածային, եւ բուրեաց հոտ անուշահոտութեան եւ հրեշտակաց ձայնք լսելի լինէր, որք փառք ի բարձունս երգէին Աստուծոյ: Եւ բազում բժշկութիւնք ի տեղուքն լինէին: Յայնժամ սուրբ եպիսկոպոսին Յովհաննոս առեալ զճառագատորս եկեղեցւոյն, եւ հանդերձ այլ եպիսկոպոսաւք անդր հասանէր, եւ ապա ըստ նախագոյն տեսլեանն եւ ըստ առակաւոր մարգարէութեանն առեալ զնշխարս երանելոյն Ստեփանոսի, որ էր եզն ամուլոյն առ ի սպասահարկութիւն մեծի սայլին սրբոյ քաղաքին: Վասն զի անդր արժան էր սպասաւորել մեծի նախասարկաւագին, ուր մեծ քահանայապետն մեր Քրիստոս պատարագեցաւ: Եւ որպէս սայլի ջորայս, այսպէս զբազմութիւն մարդկանն ի ձեռն մեծամեծ սքանչելեաց իբրեւ զսուրբ ցորեան յաստուածային շտեմարանս ժողովել: Եւ բերեալ ասէ սաղմոսիք եւ արհմութեամբ եղին ի սուրբն Սիովն, զոր յետ սուղ ինչ ատուրց Աղէքսանդրոս ոմն վկայասէր շինեաց տաճար անդրէն ի սուրբ քաղաքն Երուսաղէմ, եւ բազում աղերսի խնդրեալ ի հայրապետէն, անդ փոխեաց զմեծապանճ պարգեւն զսուրբ Նախավկայն Քրիստոսի:

Բայց արդ յայնժամեւ բանս մեր ի պատմութիւն անդր ընթանայ, եթ որպէս վերափոխեալ եղիւ սուրբ Նախավկայն յերուսաղէմէ ի Կոստանդինուպոլիս պատճառաւոր յառաջասցեալ վկայասէր առն Աղէքսանդրոսի, որ էր սենեկապետ թագաւորին եւ ի ձեռն կնոջ նորա Յովիանէ:

Արդ, իբրեւ անցին ամբ հինգ շինուածոյ տաճարի սրբոյն եւ ինքն Աղէքսանդրոս փոխեալ լինէր յաշխարհէս անդէն ի նմին սուրբ քաղաքի: Եւ նախ քան զվախճանն իւր ետ

³² Յովհ. Ժ. 2:

կազմել տապան մարմնոյ իւրոյ, ըստ մմանութեան տապանի սրբոյն Ստեփանոսի, եւ հրաման ետ մատ առ սուրբն դնել զտապանակ մարմնոյ իւրոյ, եւ մնջեաց ի Քրիստոս: Իսկ յետ ուր ամի վախճանի մորա հարկեցուցանէին զամուսին մորա, վասն զի յոյժ գեղեցիկ էր, լինել առն ալլում: Իսկ մորա ոչ հաւանեալ խորհեցաւ առնուլ զմարմին առն իւրոյ եւ զնալ առ հայր իւր ի Կոստանդինուպոլիս, վասն զի էր դուստր զլիաւորի իշխանի քաղաքին:

Եւ երթեալ կնոջն առ եպիսկոպոս սուրբ քաղաքին հայցեր ի մմանէ հրաման տալ մմա՝ առնուլ զայրն իւր եւ զնալ անտի: Իսկ մա ոչ հաւանեալ: Եւ կինն վաղվաղակի գիր առաքեալ առ հայրն իւր՝ ծանուցանել զիրն թագաւորին: Յայնժամ ապա թագաւորական հրամանն հասանէր առ հայրապետն՝ անյապաղ տալ զխնդրելին: Իսկ սրբոյ եպիսկոպոսին, կոչեցեալ առ ինքն զկինն, հեզութեամբ ասեր ցնա. «Ո՛վ կին դու, զիա՞րդ խնդրես զմարմին առն քո, որ ի միասին թաղեալ կայ ընդ սրբոյն Ստեփանոսի՝ մի արդեք անգիտանալով զսուրբն առցես, վասն զի մի արիմակ ունելով երկոցունց տապանակացն»: Ասէ ցնա կինն. «Այլ ես, ո՛վ տէր իմ զկազմել տապանակ առն իմոյ ստոյգ գիտեմ միայն հրամանաւ քո երթեալ առից զնա»:

Ասէ ցնա հայրապետն. «Եթէ ստուգապէս ճանաչես, ո՛վ որդեակ, առեալ երթիցես ի խաղաղութեան»: Եւ կինն լուեալ զհրամանն զնաց վաղվաղակի ի տաճար անդր: Եւ բացեալ զգիրն վերնական իմն մախախնամութեամբն մոլորեալ եթող անդէն զայր իւր, եւ առ զտապանակն, յորում կայր զանձն աստուածային: Եւ եթէ ոչ էր այս աստուածային իմն տնայրէնութիւն զնալ սրբոյն ի թագաւորեալն Կոստանդինուպոլիս, զիա՞րդ անգիտանալոր կինն, զոր բազում մաղթանաւք եւ թագաւորական հրամանաւ խնդրէր, եւ կամ որպէս հայրապետն ոչ ինքնին երթեալ տայր ցնա զայր իւր թողլով անդրէն զսուրբն ի տեղւոյն:

Եւ քանզի թագաւորական էր հրամանն, եւ մա ստուգապէս կարծէր, եթէ մարմին առն իւրում է՝ ոչ ինչ զանգիտեալ յումեքէ լծեալ կառս եւ եղեալ անդ զտապանակն, եւ հրաժարեալ արհմութեամբ ի հայրապետէն եւ ի բազմամբոյս քաղաքէն, եկն եհաս յԱսկաղոն քաղաք, որ է յեզր ծովուն: Բայց ո՞ր կարասցէ զամենայնն պատմել, զոր այնմ գիշերի ի ճանապարհին եղեւ սքանչելիք, վասն զի ձայնք հրեշտակաց լսելի լինէր, որք մուագէին Աստուծոյ ի զնացս կառացն, յորոյ վերայ եղեալ կայր սուրբ տապանակն, եւ բուրումն անուշահոտ խնկոց զամենեցունց հոտոտելիս անուշացուցանէր: Եւ ի մտանելն ի քաղաքն բազում այսահարք ընդ առաջ ելեալ աղաղակէին ասելով. «Վա՛յ մեզ, վա՛յ մեզ, զի եկն եհաս այսր սուրբն Ստեփանոս տանջել զմեզ»:

Արդ, յայսմ ամենայն եղելոցս ստուգեալ զիտաց կինն, եթէ մոլորեցաւ ի տապանակէ առն իւրոյ: Սակայն զանխլաբար մա ի վարձու կալեալ մաւեր ի Կոստանդինուպոլիս՝ մախախնամութիւն Աստուծոյ զիրսն վարկանելով: Եւ հողմոյն աջողակ դիպեալ երասանակեցին զնաւն քաջամաւեալք մինչեւ ի մէջ ծովուն: Եւ ապա յանկարծակի ծովն զայրագին իմն խոովեալ զալիսն ի մաւն զեղոր մինչեւ մերձ ընկղմել մոցա: Եւ մոքա ահիւ մեծաւ ըմբռնեալք սկսան արտասուալից պաղաւտմաւ առ սուրբն մատուցանել անկեալ առաջի սրբոյ տապանակի ոսկերաց մորա, եւ յանկարծակի շարժեցաւ տապանակն, եւ հոտ անուշութեան բուրեաց ի մմանէ: Եւ ձայն լսելի եղեւ, որ ասէր. «Մի՛ երկնչիք, զի ես ընդ ձեզ եմ»:

Արդ, մինչդեռ պատրաստեալ երանէին ամենայն քաղաքն ընդ առաջ սուրբ Նշխարացն, կին ոմն, յորում էր այս պիղծ, աղաղակեաց եւ ասէ. «Ո՛վ բռնութեանս եւ անհնարին տանջանացս, որ եկն եհաս ի վերայ մեր»: Վասն զի եկն եհաս այսր Նախավկայն Քրիստոսի սուրբն Ստեփանոս ի քաղաքիս յայսմիկ բնակիլ եւ ի մէջ բազմութեանն գետնեալ զկինն, ել զնաց եւ ոչ ինչ վնասեաց նմա: Էին անդ բնակեալ կանայք ոմանք, որք ունէին ախտս տեղատեղութեան: Եւ մի ոմն ի նոցունց յայնցանէ լուեալ զձայն ամբոյսին, ի հիացման եղեալ լինէր, եւ յանկարծակի լուեալ, որ ասէր զնա. «Արի՛, յարեաց ի կառսն Ստեփանոսի Նախավկայի, վասն զի ելեալ յերուսաղէմէ գալ մտանէ այսր»:

Եւ նորա յարուցեալ ել ընդ առաջ, ըստ ազդման ձայնին, որ եղեւ առ նմա եւ չեւ եւս քաջ հպեալ ի կառսն, վաղվաղակի ցամաքեցաւ աղբեր արեան նորա: Եւ նորա զհտացեալ զկատարեալ առողջութիւնն իւր, սկսաւ փառաւորել զԱստուած: Եւ յետ այնորիկ այլ ոմն քաջ եւ առաքինի ի զինուորական կարգէն, որոյ էր նորա որդի մի ութուտասնամեա անդամալոյծ ի ծնէ: Սա տեսեալ զսքանչելիսն, որ լինէր ի ձեռն սրբոյն, փութացաւ, երարծ զնա յուս իւր եւ բերեալ ընկեց զնա յանցս կառացն: Եւ նորա առժամայն յարուցեալ, եկաց ի վերայ ոտից իւրոց, եւ վազվազէր եւ երթայր առաջի կառացն, եւ ձայնի մեծաւ աղաղակէր եւ արիճէր զԱստուած:

Եւ ամենայն ժողովրդոցն տեսեալ զսքանչելիսն, փառաւոր առնէին զԱստուած: Եւ այսպիսի սքանչելեալք եւ փառաւորութեամբ հայրապետն եւ ժառանգաւորքն եւ ամենայն բազմութիւնն շուրջ կալով զկառաւքն, եկին հասին մինչեւ ի տեղին, յորում «Կոստանդիանոսի ասպարեա» անուանի: Եւ անդէն լծեալ ջորիքն զտեղի առեալ իբրեւ կապանաւք իմն կապեալ ընդ այն տեղի անցանել ոչ կարացին, զի թէպէտ եւ երասանակակալաւքն խստագոյնս հարկանէին, սակայն նոքա անշարժք մնային: Զայսոսիկ ծանուցեալ թագաւորին, երկոտասան ջորիս այլս փոխանակ առաջնոցն հրամայէր ի կառսն լծել իբր ութէ այնորիկ աշխատեալք են: Եւ նոքա նոյնպէս աստուածային զարութեամբն իբրեւ կապանաւք իմն կապեալք անշարժ մնային:

Յայնժամ ձայն լսելի լինէր ի միջոյ կառացն, որ ասէր. «Մի՛ ի զուր աշխատիք, վասն զի աստ հաճեցաւ Տէր բնակել սրբոյ Նախավկայիս»: Զոր լուեալ հայրապետին եւ ժառանգաւորացն հանդերձ ամենայն բազմութեամբն փառաւորեցին զԱստուած իբրեւ ի միոջէ բերանոյ, որ այսպէս սքանչելագործէ ի ձեռն սրբոց Իւրոյ: Նոյպէս եւ թագաւորն հիացեալ զարմացաւ ի վերայ այսպիսի սքանչելեաց, եւ մեծ զոհութիւն Ամենատեառնն մատուցանէր, որ ոչ եթէ միայն ի հանդերձեալսն, այլ եւ յայսմ աշխարհի փառաւորէ զուրբս Իւր: Եւ ապա հրամայէր թագաւորն, եւ անդէն ի միմ տեղուջն բազմացն ձեռնարկութեամբ կանգնեալ եղեւ տաճար մեծապայծառ եւ վայելուչ հանգիստ եւ վկայարան սուրբ եւ առաջին մարտիրոսին:

Եւ տաւն մեծ զարն զայն կատարեցին ամ յամէ տանել, որ ար երկու էր Աւգոստոս ամսոյ, որ եւ բազում բժշկութիւնք կատարին անդ մինչեւ ցայսար ի վերայ հիւանդաց աղաթիւք սրբոյն: Եւ ոչ միայն այս, այլ եւ մեղաց եւս թողութիւն գտանեն, որք հաւատով եւ ճշմարիտ սրտիւ հայցեն ի Տեառնէ բարեխաւութեամբ սրբոյն: Զի նա, որ քարկոծչացն թողութիւն հայցէր, յայտ է, եթէ տաւնողացս եւս մաղթեցէ զքաւութիւն, վասն որոյ եւ անդէն իսկ եւ իսկ առ զհայցելին:

Զգլխատր սպանութեանն յաիշտակեալ ի սատանայէ, առաքեալ եւ անտարանիչ եւ քարոզ հեթանոսաց կացուցանէր, այլ եւ զպակասութիւն չարչարանացն Քրիստոսի ի տկարութիւն մարմնոյ իրում բովանդակ...³³։ Զայս ամենայն... սիրելիք ի յուսացեալ բանից մե[րոց մի'] երկմտեսցուք... բարութք մտաւք պ... զվկայսն վկայէ յաւժարութեամբն։ Զի եթէ չարեացն ցանկացողք չարք վկայեցան առանց գործոց՝ որչա՞նի եւս առաւել վկայիցն ցանկացողքն լիցին վկայք առանց սրոյ եւ հրոյ եւ այլոց չարչարանաց։

Արդ, եւ մեք, եղբարք բարութք յաւժարութեամբ կատարեսցուք զիշատակ սուրբ վկայիցն, մանաւանդ զերիցս երանեալն Ստեփանոսի, որ է անդրանիկ ամենայն մարտիրոսացն զմեղից, լի եւ մոցուն պսակացն արժանատրեսցուք շնորհաւքն եւ մարդասիրութեամբ սեռոն մերոյ եւ Փրկչին Յիսուսի Քրիստոսի։ Ընդ որում Հայր, միանգամայն եւ Հոգւոյն Սրբոյ փառք, պատիւ եւ իշխանութիւն յաիտեանս յաիտեանից։ Ամեն։

³³ Բազմակետով հատվածները պատռված։